

篁

村

集

篁村集卷十一

上海陸錫熊耳山撰

古今體詩六十首

十二月四日

灑血身猶在承顏夢永違艱難空藥餌想像只裳衣敢  
望三牲奉終虛駟馬歸養雛毛羽大誰道各天飛  
從宦三千里成人五十年曾難報絲髮翻遺累齷饗學  
豈他師授家無長物傳餘生負門戶何以見黃泉

白髮辭京邸前番暗愴魂關心問中饋蓄眼望諸孫風

雨先廬計邱山易簣言相從九京骨終傍鳳凰村  
慘慘衣如雪栖栖水泛萍再蒼真倥偬一子獨伶仃讀  
禮傷除變安貧墜典型祥琴不成調江雨颯淒真

江行四首

江湖滯單舸寒月三虧盈久客厭波濤流浪悔此行終  
風無時休五日達一程霜宵豁澄霽暫息心屏營隆隆  
撼孤枕起聽默自驚萬籟寂不喧吾耳方雷鳴畏途積  
憂慮六鑿紛相爭冥心觀大化一笑付聾盲  
轅門五丈旗喧闐激鼓吹驛亭謹掃除錦繡照江深候

騎流星馳節使早晚至節使來何爲發粟起彫効饑羸  
困升龠行厨梁肉棄問誰主供張嗟哉檢荒吏

我家傍瀛璣江海互吞納輕舟溯樊口又見江漢合滔  
滔日東流遠浸扶桑濕相逢二千里一水共提汲海門  
渺何處東望雲頭急青山去無窮來往纖帆楫故園歲  
方闌淒其掩門闔游子行不歸何人拜膾臘

好風船尾來吹我檣竿旗舟師暗歡喜苦恨張帆遲撝  
箭久不發一朝脫弦馳楓舵劈浪花浪急船傾欹大江  
多風波吾行竟安之坦途有至險難進戒履危攬轡下

太行驟阪蹶不支慎勿鳴得意辨之在毫釐

黃州雜詠

田單遺策未堪矜天意初非定算能不是東風討曹力  
樓船橫槊下金陵

竹樓筠窓對烟鬟日遠天高極望間辛苦玉堂王學士  
十年宣室夢生還

栽柏看竹齊安郡陽羨仍聞早買田誰遣金蓮照華髮  
海南流落豈非天

空將大樹撼蚍蜉開府尙書兩白頭今日江西譖宗派

更無人祖宋黃州

雪堂

雪堂冬無雪乾麥貼隴底臨臯數弓地荒蘚漫屐齒堂  
堂玉局翁千載呼不起身墮磨蝎宮顛倒天所使五年  
黃州鼓晚寫桄榔紙連雲誇甲第傳舍幾成毀我夢雪  
堂游頃然丈夫偉東軒老同叔求樂亦鹽米君看喧寂  
齋正對屠牛几

臘八日作

瓊華仙島冰堅腹廣寒殿外鋪瑤玉年年臘八看冰嬉

尙方初

賜辨齋粥當時青瑣點朝簪銀翠釜常分甘江村臥  
病感節物暴背時把金鑾談書生奔走饑寒累飄飄楚  
岸身如寄舉家食粥已多時江南米碩兼金貴如聞轉  
粟下巴夔早晚入市紛流脂故鄉歸路春燈近好剪青  
菘共餚麋

贈吳樹堂中丞二首

特輶山公啟事勞漢南士女拜旌旄一家父子三開府  
六省東西半列曹魏國陰功天必祐恬侯篤行世爭高

膝前更有王文度整刷春風起鳳毛

冒寒偶趁打包僧幕府清嚴翦夜燈風雨離情間何濶  
江山賦筆病還能空囊去怕嘲妻子假館來偏累友朋  
話到鵠鵠原上草涕痕重爲小中丞

費公祠

何年鶴去剩遺祠華表應餘故國思天上神仙盡忠孝  
漢家社稷寄安危墜星早付三分策大膽誰輕一木支  
莫唱巴歌薦香醑蜀宮烟莽不勝悲

遊崇府山劉氏園亭有懷吳白華京兆

凜冬迫羈緒虛館斷來轍駕言寫心憂蕭曠契所悅茆  
堂枕層阿仄徑度窪凸俯違邑井喧近矚睥睨較岩堯  
竹間樓廷胆勞皆竭江流會清汎山翠浮大別幽廬憩  
倦武稍喜圖書列雖非載壺觴煮茗亦可啜閒庭槁葉  
下盆卉霜枝折抱此晚晚心坐惜芳菲節安得百草滋  
先春感鵝鴨故人有高咏留壁墨尚潔因憶章臺街走  
馬正衝雪

登黃鶴樓放歌

仙人駕黃鸝一舉凌滄洲留此千尺磯突兀昂其頭下

有噴濤迴薄之長江上有切雲縹渺之飛樓樓前楚山  
萬重碧烟中今古傷心色彝陵巴陵在何處但見斜陽  
沒歸翼乾端坤倪盡呈露一氣廓廓無終極武昌漢陽  
兩蟻垤下視醯雞苦煎迫紫蓋走揚越樓船轉荆益千  
秋幾英雄寒沙沈折戟只有樓頭一片玻璃盤曾照杯  
中狂太白長風忽吹面絲鬢何蕭颯捫天蕩蕩纔一握  
坐摘列宿圓如桃頓思白日生兩翅九垓汗漫追盧敖  
神仙上界足官府金支翠旗蔭采旄洞天石戶喚不應  
有力誰似三山鼈崑崙金銀邱可望不可招徑踏飈輪

歸痛飲玉色醪  
梅花國裏臥吹笛安能朝丹崖暮黃石  
鞭鸞笞鳳徒煩勞

武昌月夜

大別山頭月三更上客樓樓前漢江水遙下石城流寒  
漏催還急哀鴻響未休空憐夜帆影葉葉是歸舟

章湖莊太守罷襄陽郡將遊湖南詩以送之

大隴碧草春萋萋使君五馬聞驕嘶文翁禮殷肄樂職  
攔街無復歌銅鞮西風蕭條峴山樹又送使君騎馬去  
漢川空釀蒲桃醅肯向習池酌酌住洞庭新水生如烟

興發欲泛巴陵船除書方重二千石那得放浪江湖邊  
黃鶴樓前一相見哀樂中年感婚宦我留且食武昌魚  
君歸早趁衡陽鴈

江中望晴川閣

龜山高閣翠蘿陰清簾疎簾佇勝尋萬里晴光出形勢  
一江客緒怕登臨行雲曉接陽臺近湧浪寒兼夢澤深  
多少愁生望中眼巴船還弄竹枝音

發武昌有述

不去曹溪踏石頭飄然雲夢澤南州那堪風雪長羈旅

卻爲江山少滯留  
菜把幾曾煩地主  
尻輪聊與寄天游  
十分眼界添來濶  
烟月無邊在庾樓

候館經旬掩夕春  
又聽津鼓曉鼉鼉  
尊鱸何日依張翰  
雞狗由人笑董龍  
叩缶不須歌楚些  
擁爐應共話吳儂  
黃岡玉筍羔兒酒  
稍喜行厨未闕供

贈周眉亭觀察

曾從北府識威名  
漢上重聞竹馬迎  
玉節宣膏看行部  
絳紗勸講列諸生  
早知楚甸春風滿  
坐愛官齋雪景清  
遙聽琅琅似翻水  
丹山應是鳳雛聲

廣寒同折最高枝  
卅載多慚鬢似絲  
今日萍蹤真邂逅  
當年蘭臭苦差池  
南樓烟月空三宿  
北固風流又一時  
明發歸舟尙餘戀  
好憑江鯉寄相思

舟中夜坐賦示立人索和二首

絮語篷窗伴短檠  
擁衾夜鼓已三更  
驅磨老態眠難熟  
支破春光夢易成  
我豈浮梁販茶客  
君如函谷葉繻生  
相看共有癯仙分  
莫怪歸裝一葉輕

團團磨跡郵籤遠  
閃閃燈花歲籥更  
脫屣未能遊岳去  
燒爐空羨鑄金成  
傷心舊話提還怕  
遮眼殘書放便生

歸及銅坑梅信早杖藜同趁腳頭輕

彭澤縣

大江會九派驚濤浩無邊潯陽三舍餘五日勞洄沿層  
崖出危堞孤城枕江壘茫茫辨洲樹稍稍開墟烟卽景  
感徂歲望古懷昔賢水勢檉陽西山光義熙前我因一  
囊粟乘此萬里船所求亮鏹銖忍受旁人憐造物養不  
材飲啄良有緣但當咏時運便可歸園田三復乞食詩  
操瓢亦欣然

金剛夾阻風

江上風兼雨悲心日未央人生幾殘臘遊子獨他鄉攬  
鏡看顏改聞雞覺夜長鄰船更吹笙淒絕怨伊涼

小孤山

單椒獨秀倚青天遙指孤帆落照邊鬢影窺臉最端正  
墨痕堆絹倍澄鮮靈風暗起神鴉外春色爭歸候雁先  
畫手難逢李思訓長江絕島倩誰傳

望江除夕用東坡集除夜野宿常州詩韻二首

簫鼓連村聽轉悲停橈稍覺浪花微心如流水何時住  
人伴春風隔歲歸去蹠已隨游橐盡殊鄉猶喜賀牋稀

殘燈草草寒蔬供辛苦張郎肯共依

南行寂寞更東徂吳楚風烟萬里塗辟穀便思求秘訣

編詩還笑賣癡符

時於舟中檢視舊藁尚存者編次成帙

銅壺有信催華

髮銀燭無人挽病鬚想到椒盤拜家慶五年腸斷點春

酥

立人見和前詩壘韻奉答

中年此夕易成悲况對西風燭影微垂老但嗟聞道晚  
浮生宦待有田歸未拋官職深恩戀細數交親故友稀  
百歲與君皆逆旅何妨客裏暫相依

荒鶴喚後漏聲徂滿紙新詩寫更塗禿管看成如願  
尋  
筇杖權當辟邪符香浮雪橘初涼齒暖入冰梅漸放鬚  
去作去新年召鄉友試煩纖手滴花酥

正月三日發華陽鎮遇風復還香口宿

前日輕帆賽馬當連宵巨纜碇華陽歲真不與來浩蕩  
箕獨有神常簸揚別轉一洲依虎落坐看萬斛舞龍驤  
無金忍負垂堂戒三月風波已飽嘗

東流阻風偕立人步入山徑得小蘭若偶坐

風爲春先驅東來截江路歸期判隔歲濡滯亦吾素牢

將一舟繫閒送千帆度晴光汎層岸野逕縱遙步緣崖  
稍幽迴松翠落衣屨意行逢招提清磬出深樹因留覩  
佳境偶息契遐悟往來棲一塵遲速迭旦暮君看右行  
蟻隨磨羸左鶯同轉風輪中我實無所住

立春日成口號三首

乍暖春泥凍未融輕陰澹靄夜濛濛萬山試手誰行雪  
留待東風第一功

驚心節物一番新那得華幡貼鬢銀憑仗三更放山燒  
去聲紅雲吹作滿江春

此身飄蕩似孤雲春色初扶病幾分不向閭門供帖子  
案頭閒却管城君

未至皖城十里遇風泊光洲入夜風大作簸蕩竟  
夕復次前韻

空中一噫猛誰當不放春姿轉艷陽盡日風花太撩亂  
接天雲氣忽飛揚蒼茫徙窟干蛟喜蹴踴班聲萬馬驤  
弱纓空敎恃管蒯書生性命敢輕嘗

贈書紋亭中丞

文端昔帥江東西隻手獨障黃河泥青春耕桑萬家室

吏呼不驚犬如雞堂堂威望望山尹文  
兒啼西京世系宰相表玉衡親付郎君提炎荒談笑坐  
虎帳搜粟歸來都尉壯文經武緯隨所向領父舊部江  
湖上扶攜遮道看旌節豐頤尚肖先公狀去年宣歛旱  
告凶公發倉廩哀羸窮上書朝奏夕報可五十一縣皆  
春風飢摩寒拊感到骨野有宿麥無噦鴻我陪劍履明  
光宮又見列戟千夫雄甲寅同降今幾輩我似病鶴公  
猶龍落花墜潤拂茵席造物所付誰能同勳名富貴有  
公等我將把耒歸春農

贈陳勤齋方伯

早歲貢禮部唱名上丹墀。袁然君舉首白皙軒鬚眉。程文傳四方驚倒里塾兒。至今丐餘膏掇第如摘鬚清華。秘書職要劇中樞。司郎潛望三署郡寄把一麾圭璋韞。光彩終受。

特達知生祠冀中野。按部天西陲。滔流障濁河。盜弄銷潢池。給軍視首功。孔翠彰纓綾。江東正需賢。畫錦來何遲。遠持汲黯節。手活十萬羸。不貪君所寶。善頌我以規。古來三年蓄水旱。民無飢頗聞積貯計。或耗雀鼠資官。

倉掩塵土私廩償鞭笞臨渴寃及井治標實良醫但能富儲胥豈復憂窳此足食信先務當官復奚疑願君建長策爲

國綏嘉師

贈馮魯巖臬使

履綦跡散鳳凰池持斧猶煩暴勝之國論江湖寄黃髮交情琴瑟淡朱絲浮生幾度長安見別意無窮皖水知早晚南樓弄烟雨故人可有草堂貲

征南書記早翩翩部使迴翔近十年耐職盡知非巧宦

愛

恩未敢說歸田貧呼彥道還癡絕老喜靈光獨巋然曾  
是朱顏舊同舍春風相對雪盈顛

十二日初發皖口東北風又作再用前韻示立人  
風信三番又恰當如山白浪打縱陽數程雨雪猶連楚  
幾月烟花便下揚州載欣然有張翰小詩清絕似韋驥  
眼前去住真聊爾茶薺隨緣且共嘗

十三日遇西南風復次前韻

一晌披襟與快當試燈時節律吹陽原知造物非偏愛

且喜仁風得奉揚心地無瀾住安穩鼻端出火怕騰驤  
布帆分付張休滿順境何妨略遣嘗

桐城江上有懷姚姬傳禮部

江介滯寒景扁舟汎夕陰龍眠望巒翠不覺暝烟沉眷言同懷子結廬臥高岑焚香散貝帙潔膳娛萱襟東華一爲別種松已成林昔游曠嘉覲今塗阻遐尋相思無日夜浩與江流深蘭省夙相要歲寒亮此心綑繆十年舊憇澗二毛侵

舟行得順風頗厲江濤洶壯立人有懼色詩以解

之

乘風破浪丈夫事履薄臨深孝子心君定涉波能仗信  
我緣攀楫爲長吟黃牛峽轉還朝暮白馬潮回自古今  
到處人間有奇險一壺珍重抵千金

大通望九華山

陵陽郭西秋浦東我少讀書依泮宮九華當窗送晴碧  
落在硯匣眉痕中疲勞塵土三十載夢魂常與名山通  
昨朝揮手辭皖公旗脚正飽西南風千巒萬壑過飄忽  
撓天忽認青濛濛雲鬟筠窟倚霄立四面轉側難爲容

青霞半隨步障卷翠朶折盡花房重信知造化妙融結  
欲與仙佛留靈蹤桐江回望富春嶺潯陽遠揖香爐峯  
嬋娟突兀各有態奇秀獨絕誰爭雄我從卯角已識面  
垂老未聽蓮城鐘提壺裏糗定何日莫令猿鳥愁烟空  
山前石室開文翁憶煮瓠葉歌絲桐諸孫白首訪遺蹟  
講肆知已埋蒿蓬老人大父問曾見只有九子青芙蓉  
蕪湖元夕點市中所鬻鐵畫燈以詩咏之

一片瓊瑤繞指柔裁雲剪月巧琱鏗六如試轉燈光偈  
百鍊知從鐵漢樓曾入洪爐竈怕火放來直幹不爲鈎

廣平未礙梅花賦共守心期照白頭

孫松友司馬從金陵古董肆得國初史大成繆沅  
兩殿撰手札各十通古勁可愛舟次見示爲題  
二絕

偶然揮灑亦藏稜此事終須三折肱眼底紛紛誇野鷺  
風流前輩見何曾

戲海羣鴻剩廿番家匱珍重拓璵璠故人袖裏驚虹月  
爲照春燈作上元

金陵感舊

畫舫秦淮撫笛時重來已是廿年遲渡頭無復迎桃葉  
觀裏惟應長免葵蜀肆人空簾寂寂嚴冬友中州遼東鶴返  
塚纍纍程魚門近已卜葬江寧城外夕陽莫怪催歸騎零落交遊更有誰

登燕子磯入永濟寺

建康西望夕烟沉獨上危磯散客襟一片蒼雲湧樓閣  
萬叢翠竹變晴陰籠紗句識王文正寺有尹文端公所作記愛馬  
風餘支道林寺僧默默年至百有五歲近時始示寂江路當年幾來往白  
頭惆悵始登臨

風便自江寧一日至鎮江而運河方疏濬因泊江

岸候啟壩

山遠波平極望收布帆安穩下真州天將末路憐窮旅  
我本無心怨石尤兩鬢金焦似迎客一江風浪不驚鷗  
誰知世事還難料留滯今朝又起頭

碇舟江中獨遊金山用東坡大風留金山詩韻

柁樓遙共僧窗語春波如鏡瓜州渡中流下碇暗潮濶  
怡喜橫江住風雨登山已覺布裘重籠水行看柳枝舞  
往來坐驚人老大去住休令公喜怒中泠泉冽亦復佳

京口酒薄奈何許會待渠成送客歸萬夫雷動催鼙鼓

開壩謠

今日喚開壩明日喚塞壩壩開壩塞誰得知太守行河  
但嗔罵賦功尺寸官行下今何聰明昨聾啞君不見華  
堂絲竹圍花叢太守半醉春顏紅可憐畚鍤開河卒夜  
夜號寒向朔風

後開壩謠

今朝壩開河尙塞沙積水乾行不得丹徒牖口潮填淤  
何人授值驅丁夫巡功腳未河干踐火急文書告役藏

炎海雪山俱萬里人生聚散總難論

平原夜宿二首

江外歸艣向日邊驛亭燈火記從前道旁禿盡官楊柳  
那得朱顏似昔年

休將行酒怨王敦樓上無如一笑冤便有東川絲可買  
美人那肯繡平原

長清山行遇雪

昨宵破屋被成冰積素千峯曉尙凝晝歛風威寒倍緊  
暗消酒力醉難憑迴風壠角還畱隊遲日山腰乍出稜

路滑真愁小兒女疲驢高坂度凌競

望岱

青連齊曾割晴陰極望巖巖氣象森地影全開一峯曙  
雲頭常貯九州霖蒼茫玉簡靈文闕呼吸天門帝座深  
直爲錦囊無傑句皇華兩度怯登臨

羊流店爲羊太傅故里

問店猶蒙姓懷賢獨愴魂動名晉遺史譜系漢高門國  
臺南城舊碑如峴首存圖經半茫昧湛輩更休論

泰安與吳稷堂邱芷房兩編修同飲蔡小霞太守

郡齋時吳邱典浙試回京小霞由詞林出守亦  
甫爾月耳

灞橋別酒未乾唇旌纛行纔及五旬忽漫相逢還此地  
更憐不速有三人玉堂天上情同感銀燭宵長話最親  
却羨使星來越分聖湖煙月滿歸輪

自新泰至蒙陰道中有作三首

千林殘雪尙斑斑襯出烟光好髻鬟不惜馬蹄穿亂石  
嶅山看過又蒙山

嗷鴻歸後幾家存生計關心宿麥根祝爾明年炊餅大

至前見白已連番

面受陽曠背朔吹南程恰與鴈相隨閏年却怕寒生早  
趁取河水未合時

沂州

穆陵東去豁平疇樹影中環斗大州巡屬舊曾分兗府  
輿程近已接吳頭倦如驛騎空支骨吟比村醪易棘喉  
笑問一繩天際鴈稻粱辛苦爲誰謀

李家店早發

明星如月上天來鈴駄郎當次第催爲報行人莫貪睡

十吏抄詩蘸墨濃少尹東都歸物望大蓬秘閣竝仙蹤  
白鷗浩蕩愁多誤待問何時許叩鐘

疊前韻再和警齋見贈

多生慧業本靈峯散朗清襟月瀉曾曾托菩峯薰德久  
不將綺語餞情濃龍龕坐却知神力時小疾初愈萍梗相依  
少定蹤特起致師甘退舍敢持牛鐸和黃鐘

再疊前韻奉和覃溪前輩畱題書局之作

雲羅冊府玉爲峯典校無能愧在智局許隨身青待汗  
裁兼衆手墨交濃班書阮錄刊新簡劉井柯亭話舊蹤

甘載集賢懷聚散坐搔白首聽宵鐘

分照藜光陟闔峯匆匆小別感橫眉且攀三日車輪住  
莫怨千山雨意濃密字蚍蜉看定遍疑文藤葛掃無蹤  
蒙

恩一樣修黃本濫脇虛慙說號鐘

題馬孟亭丈捧硯圖

熟釜傳家世作求大弓還府神爲謀金聲玉質公合德  
珍兩寶橫孫貽麻司寇將漕惠南國平準斗槩今歌謳  
官閒長物琢溪骨老去細字填銀鈎龍騰神劍有離合

鶴返故里空林邱  
名孫總角侍書案  
手澤重把霜蒙頭  
等身臥起伴吟卷  
一日洗沐頻清流  
遺安肯顧金滿籠  
此田力耕歲有秋  
圖成毫頰見情性  
拓向蘭紙尊琳球  
循牆益恭守弗失  
長想宛在中央浮一泓  
爲含奕世澤必復其始宜公侯

題法時帆學士山寺學詩圖次覃溪閣學韻

我叅香觀叩應真非烟  
非木銷微塵來何所從去何著  
此意乃得於詩人煎膠續絃世誰有空山流水鷄鳴晨  
觀音十二無正面悟到聖處能知津碧山學士抱吟癖

覓句苦似彭城陳閒依古寺問詩法畢竟何處詩堪論  
人間不少擔板漢語言文字空紛紛華嚴樓閣彈指現  
鏡月借喻還非倫絲韁解後牛自在窗紙鑽破蜂安存  
宗唐禰宋盡癥結孰了內外窮三因君今一滴嘗海味

辟支果已超聲聞長安花事正爛漫且鬪好句酬青春

大司寇文敏張公以文章學術歷事三朝入直禁廷自翰

林泣位常伯哀榮始終莫與爲比錫熊囊備官侍從上知與公鄉里每入對輒

曾識張某否且數蒙見聖情眷顧舊臣所以照臨其家至深極

厚而公之勤勞夙夜以上承非偶然也錫熊生晚不及見公面今獲賜遺像

知遇者亦良

昔陪賓從登南樓楚江萬里波濤秋巴船擊鼓送行客  
六載不見心頰憂昨逢玉節朝

天去仙莊曉泣金莖露鳴珂飛蓋有輝光闔閨門前喜  
相遇平生臭味托素知許身稷契今其時廉勤明決吏  
所畏清淨宦一民之師腕公山色濃於黛歸路清風滿  
江介授鉞行分竹使符輒圭乍奉承明對都亭落日離  
思盈別酒比似官聲清願公勲業光天壤一慰東南父  
老情

送姜度香少司寇巡撫湖南二首

鄂州旌節又潭州幕府重開鎮上游珂馬蹴雲衡岳曉  
牙旗捲月洞庭秋文書談笑供鈴尾粟粒金湯息佩牛  
不負宣麻告廷意湖山半壁要分憂

迢遙五嶺控南荆謀帥煩公復此行令肅魚龍先避路  
人和鼓角亦歡聲未妨石廩搜苦碣好向溪巒課火耕  
定有循良冠諸道下車應爲禮陽城

題馮星賓夢蘇草堂圖

大峩仙人天與游夢蘇居士神相酬鬚眉悅見七百載  
鳴止正待三千秋平生尙友香一瓣竹屋青燈歲方晏

鄭箋矻矻手自抄莊蝶蘧蘧目非幻下峽以還渡海前  
嬉笑怒罵皆詩篇摻來稗野添公案揀盡塵沙得定詮  
心精感通如面告笠屐翩然風肅肅尋春豈訪符秀才  
聽雨還偕老同叔披帷一笑顏色親掉頭不住機鋒真  
文章幸脫元祐禁襟袖應貯眉山春蓬萊遊戲歸何處  
壽骨長身起餘慕隨風咳唾落尙新湧地源泉默成悟  
巧意丹青想入微月梧烟篠晚依稀豪情湖海呼能出  
真面廬山認儻非開府生辰詩滿紙學士高齋署蘇米  
君家證夢復艸堂去酌寒泉薦芳芷

恭和

御製招涼榭有會元韻

蓬壺本清曠矧此亭榭美

宸遊暢招尋坐覺爽意起層崖罨翠雨密障落松子循環運無息

道化協時紀屈指正秋期涼風先至矣

恭和

御製永恬居元韻

紫邇千盤上青苔一逕深雲鋪光欲研山潤畫初臨松

贊含淳古琴絲適靜愔養恬貽

祖澤薄海意同欽

恭和

御製口內一首元韻

塞田畱熟慶屢豐歲積倉箱旣富矣

皇仁愛物軫飢溺夙駕猶思靈雨美從來百里異陰晴  
遲速難齊固其理邇言必察垂

聖聰調劑咸期適可止

天心默感洽嘉澤歌舞田家足同企豈徒近甸兆庥徵

霖雨九州咸視此

恭和

御製烟雨樓對雨元韻

樓頭風滿快當之嘉靄真符十日期涵綠波疑秀州路  
濕紅花是杜陵詩珠跳響撲重簷迥墨漲痕濃一榦披  
漫道溪山晴亦好

天吟恰賞雨知時

恭和

御製題仿倪瓈獅子林圖六疊前韻元韻

寶繪臨摹秘石渠奎芒重喜護

琅書妙超古積神傳此樂會

天心景契予

疊唱巧經神匠運

全賡補待後題胥獅林咫尺移蓬苑粉本金闈那得如

恭和

御製題澄觀齋元韻

吉惟迪應如天覆鑑以澄空於水觀一揆

心源河海合兩重文曜日星看知仁悅性皆同撰飛躍

生機亦見端郅治

建中符

峻德繹思瓊牋卽銘盤

恭和

御製題文津閣元韻

巖傍積書室傑構府開羣玉暢幽尋

化成已愜觀文願津逮常殷

鑒古心千輞載來欽

日課呈

四庫全書繕本送覽俱蒙隨時鑒別訛謬

指示無遺

山莊者計數千冊排日萬

籤插後待

天臨更從豐水勤洄溯次第奎光入

膚吟

香亭同年招集盆桂花下有作

淮南歸夢小山叢暗喜幽香鼻觀通羅雀門前還舊雨  
浮瓜宴後又秋風甚真不會慚和靖酌本無多怒次公  
莫怕重城催下鑰闌干正好夕陽紅

巴蘿輝臬使被

命同纂八旗通志有詩見示次韻酬之

機庭荷橐共霜辰白首還

朝感此身馬步未工心轉愧巢痕已掃跡都陳柏臺久  
惜平反吏芸館終資筆削人豐沛詩歌幽雅頌好搜掌  
故勒貞珉

長編分任墨交磨宿齒諮詢集益多東觀羣儒爭述作  
南樓老子肯婆娑醉旆故府盟猶在蒼雅同文譯不訛  
更欲爲君儲社酒細將詩律問陰何

一亭吳君屬謝生恩焜以所著北遊草見示爲題

四絕卷端

閩中吟社數濱川詩話樓高有正傳一滴偶教嘗海味  
皈心知在大乘禪

白頭重赴故人期席帽翩然返故籬不負騎驢冒風雪  
江山滿眼卷中詩

宋體唐音轍可尋刻舟求劍費功深誰知寂寞朱絃外  
獨抱成連海上心

金叟文壇老更雄徐家玉樹競青葱梅崖一瓣香猶在  
交臂真慚失此翁

題四松主人詩集用陳后山贈趙德麟韻

宗師早識更生名格律波瀾老倍成深水清冷傳賀若  
朱絲肅穆和咸英落箋舊句諸家定選集新圖一座傾  
到手驪珠百回讀夜深自起剔吟檠

肯博皇華下里名樓臺七寶自修成餘情合付沉沉酌  
清味誰餐采采英健筆萬鈞天與力長城五字世同傾  
亂蟬莫向斜陽噪看取良弼也受檠

厨中米罄因成短篇示家人

監儒本窮茅腳踏四壁寢毛錐偶多幸竊冒廁榮品無  
貿希令名官箴寸心懷平生阿堵物欲語口先噤算把

那知數蕭然日高枕壺蒸可折項牛飢且與飲屢空將  
誰尤撫分默已審炎荒垂橐返雀鼠尙偷廩一門五百  
指望突待朝餉西風撼九衢我僕告痛寢齊厨剩杞菊  
歲暮行凜凜失計吾早知食力荷勤恁亡羊補應遲安  
之躁毋甚故鄉秋多風湖田稼傷稔倚闌有慈親寒戒  
思請袵南船問米價家書值純錦作詩敢告勞將母望  
來諭

辛亥除夕題張平伯游黃山詩卷後

少年曾作宣城客夢寐天都六六峯垂老尙憐空見畫

羨君勝踐獨從容

雨腋崔嵬駕鶴飈齊烟九點望中遙自擣謝朓驚人筆  
來聽松風奏八璈

雄深要渺語爭奇萬石華鐘獨繭絲惜不相從筍河老

卷中添得唱酬詩

謂朱筍河先生督學時會游黃山作詩百餘篇

十日諸司鎖印牀六街爆竹送年光愛從冷淡尋生活

細嚼名篇字字香

三臺子旅店遇雪口號

瑞州東來雪三尺斷壘荒岡路盡迷瀛得田家炊餅大

行人休怨滯遼西

朔風倦雪夜漫漫土銓茅簷此暫安坐憶銅坑梅信早  
可憐辛苦事征鞍

詩餘二十一闋

遇陂塘

題王述庵薄褐山房圖二闋

愛安禪蘆簾紙閣維摩十笏聊住牆低儘送遙峯影壓  
遍斜陽高樹攜臥具似小艇淞南夢掩紗窗雨瀟瀟竹  
語任月冷窺蒲香留伴褐不放早參去蓬萊客十載  
亭臺舊主小園休擬重賦雲山壞衲知無恙看煞軟紅

塵土聽粥鼓况近巷精藍薛屐頻移步閑坊記取在走  
馬街前啼鴉屋後罨綠最深處

問當年歌闌舞榭寄園回首如寄小居重作詩翁宅老  
屋數間而已差可喜便隔斷東華十里黃塵騎庭涼似  
水但書到求碑人來議蟹雙板畫長閉漁莊好畫裏  
飄蕪斷葦故鄉何限秋思笑桃人去茶烟在心似游絲  
不起同索米還細算長安舊雨今餘幾屏梅綻未待薄  
雪消時南鄰呼我共秉竹間米

卜算子慢

龍口關道中

更盡情燈火勞相照風也程程雨也程程人也如今

太瘦生

賀新郎

汀州送黃春隄自江寧歸新安二闋

丁字南流處悵無端鞭絲帽影送君歸去火繖撐空行  
不得底事急裝如許柰草草三年別緒更灑鵠鵠原上  
淚問西風落日夔巫路多少恨付津鼓 滕王閣畔西  
山雨數郵籤帆迴左蠡浪花溢浦好訪秦淮邀笛步寂  
寞酒籌香譜記塗抹當年三五昨夢依然吾衰矣想白  
門楊柳空烟縷試覓我舊題句

與我周旋久。鎮相隨。萬重炎嶠捫星攀斗穿盡崎嶇詰。  
曲路催得行人白首又聚散。天涯親友絲竹中年多哀樂。  
但陽關未唱眉先皺。且小住。君能否。歡場易放搏沙手。  
算從今吟窗翦燭此情非舊。聞道新安江見底。問訊樵兄漁叟。且斬作故園重九得意馬蹄春風疾。待相逢燕市重沽酒。看醉折章臺柳。

永遇樂

按部汀州宣化謝山人尊畫北固小景見貽江山如夢根觸舊遊因次稼軒韻填此

閩將寄王夢樓同年和之

百尺欄干閒愁都在。倚夕陽處兩鬢金焦浮空指點欲

踏鼈鼈去廣陵鍾樹亂帆如馬不許行人少住望江天  
茫茫飛燕消沉多少龍虎舊遊回首記送春筵上曲  
誤周郎曾顧白髮侵尋畫圖省識烟雨南徐路故人無  
恙楊枝放後還打催花羯鼓憑問訊一杯江月近能酌  
否

摸魚兒

秋滿將還感戀交遊賦  
此二闋爲諸僚友贈別

甚西風蕭蕭槭槭當筵喚起離緒三年瘴海乘槎客蹤  
跡差池無據纔梗聚奈兩葉萍飄又逐斑駮去愁腸斷  
處是白鴈橫天丹楓撼晚一髮建溪路長安遠望裏

瓊樓玉宇巢痕天上還補明年相憶知何地松杏山河  
夜雨青鬢縷怕別後霜華滿鏡都成素殷勤記取待劍  
佩朝天芙蓉闕下握手試重覷

水龍吟

依稀短夢輕塵話闌苦憶三年事鯨鯢掃後銀河手挽  
甲兵長洗宦轍天南使星越分幾多征騎悵勞勞亭子  
行人送盡輪我把離觴醉休折長條繫馬看婆娑樹  
猶如此羣公努力牙旗玉帳功名萬里臣朔歸來頭顱  
如許報

恩無地倘梅花信到也應念我索金門米

賀新郎

別兩松  
中丞

三載扶風帳慣經過猿梯鳥棧萬重烟嶂珍重平生故人意書札瑤華頻枉記曾送征南絲軟草草交衢臨風語更今宵憊燭明書幌信聚散萍隨浪深杯到手休輕放怕醒來亂山孤驛雪花如掌中歲闌情緣兒女何日結廬相傍想松菊家園無恙我已多愁還多感但聽歌容易添惆悵且莫付玲瓏唱

百字令

山海關

搖雲睥睨正門開四扇樽桑初曉萬疊蒼山爭飲海  
蹴起驚濤澁渺隔岸秦鞭沉沙漠鏃何處安期島關頭楊柳西風一夜如掃想見疊鼓喧笳連峯戰格獨控漁陽道函谷丸泥堪一笑都付頽垣衰草玉壁誰當長城自壞往事知多少鞶韁回望戌樓還蠶雲表

滿江紅

孟姜女廟

翠巘丹梯湧現出金銀宮闈憑闌外海天萬里蓬萊明滅估客連檣如點豆行人飲馬猶尋窟問盧龍塞土血痕殷長城卒玉貌古靈風警含鼙處凝思切想巾幕

衣縞遠來收骨精衛冤深填不得杜鵑淚盡啼難歇算  
千秋長照望夫情秦時月

點絳脣

做弄新秋疎疎幾點黃昏雨來時南浦看盡垂楊舞

蕭瑟歸鞍暗送流年度愁無緒吟情正苦獨共寒蟬語

南鄉子

渡灤河作

莽莽塞雲愁穿塞商都一道流雪浪千堆還怒捲濤頭  
羅刹江邊八月秋津鼓記征郵袞袞輪蹄去未休多  
謝遼西前夜月如鉤送我平州又閩州

篁村集卷十二

孫男成沅謹重刊

題尹齋前輩鵠華晴嶂圖二絕

西風葉葉點霜斑一角初窺鬢鬢好向明湖看秋色  
闌干倚遍夕陽山

年年橐筆賦長楊出塞明朝又急裝多少谿山似圖畫  
吟鞭賞盡好秋光

時將  
木蘭  
扈從

道光己酉春重刊先集周容齋農部出示斯圖手澤  
如新爲集中所未錄謹補刊於後因念先都憲公生  
平爲友好題詠隨手拈筆如此圖者當復不少海內  
諸君子如有弆藏幸賜錄示俾得隨時補刊實感且

不朽云成沅謹識

先子幼侍先大父通奉府君於石埭學署嘗自編其詩  
若文曰西郊笑端爲十二三歲時所作歸里以後隨事  
輯錄皆篇頁無多不能單行自服官京師多大著作而  
吟咏稍稀且不肯存稿隨手散去故不可多覲循自少  
里居乾隆戊戌始得趨侍都門卽請校輯全稿不許辛  
亥之春乃手自編次曰陵陽前稿曰東歸稿曰陵陽後  
稿則爲往來石埭少作曰沿鳧池館稿則歸里後所作  
曰席帽稿則通籍時所作又以庚寅典試廣東所作編  
爲橐中稿乙巳楚遊之作編爲雪颯稿各撰小序列之

首簡其餘諸稿尙未徹編而先子遽捐館舍長途歸殯  
顛沛流離遺書幾散盡而是稿以叢雜幸存

循

攜歸校

勘謹錄成篁村集十二卷通籍以前仍依原次作四卷

自壬午抵京入直至庚寅九年合以橐中稿凡得二卷

自辛卯至癸卯十三年凡得三卷次以雪驅稿二卷自

丙午至壬子七年僅存詩一卷而以詩餘附之是爲篁

村贋稿統以年次編排錄所編諸稿小序於目錄前存

詩凡八百餘首核平生所作十尙不得五六當再蒐考

以成續編篁村者先子舊所題集之總名也

循

無似不

克承先人遺訓珍守茲集歷有年所茲幸同里諸君子  
集腋付梓俾得殺青問世藉垂不朽實感且慚云事始  
嘉慶戊辰之季秋八閱月刻乃竟蓋溯先子捐館時已  
十八年矣已巳長至日男慶循謹識

先王父都憲公以乾隆壬子春奉

命赴盛京文溯閣典校勘之役未竣事薨於瀋陽行館  
成沅生晚距先王父之歿已二十年幼旣失怙孤露  
童年鮮承遺訓惟側聞諸世父述先都憲公通籍後  
復獻賦

行在嗣是儼值

樞廷校書中秘輶車持節出使四方生平著作繁富率  
爲朋好愛慕者持去不復錄副今家藏寶奎堂文集篁  
村詩集二種則先世父秀農公網羅散失手校以付梓

人者手澤所存不過什之一二耳道光壬寅夏夷氛南  
熾波及江鄉先集藏板亦付烽燧中不可再問成沉先  
筮仕宋州行儕中尙攜一帙自隨兵燹之餘廬舍蕩焉  
無存而寶奎堂詩文獨以貧宦偏隅留一綫於子孫之  
手先人靈爽殆有寔式憑之者耶頃供職司理長官爲  
吳子苾先生晉謁時知先生爲椒堂司寇曾孫司寇與  
先都憲公同榜成進士集中有贈司寇兄樹堂中丞諸  
作並爲司寇尊甫撰恭定公墓誌銘敬讀荆南老開  
府一詩可以想當時交契之篤先生索觀之次促付梓

人並爲文以弁其首伏念先都憲公遭際

感時所著四庫全書提要懷槧握鉛之士無不共知而詩古文詞則隨手散去意當時贈答傳抄海內藏書好古之家或錄有存者事未可知成沅既不能搜輯遺聞補苴其所未備惟茲吉光片羽留於患難行役之餘尙可任其湮沒弗傳耶寶奎堂者先都憲公梭四庫全書退直時所自名其堂者也仰承先志重取文十二卷詩十二卷合編之曰寶奎堂遺稾云時道光己酉季秋孫男成沅謹識